

「國家社會科學基金重大項目」

何建明

主編

中國地方志
佛道教文獻匯纂

人物卷

(8)



國家圖書館出版社

〔國家社會科學基金重大項目（11&ZD119）〕

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷
(8)

國家圖書館出版社

中國地方志佛道教文獻匯纂·人物卷

河北省 衡水市

衡水縣志

清·陶淑纂修

清乾隆三十二年（一七六七）刻本

衡水縣志卷之九

人物志

先哲 名臣 政事 武功 孝友
儒行 義行 流寓 仙釋

玉蘊山輝珠藏川媚物理且然況人杰乎故賢
詰篤生地以人傳其上焉者學術士功照耀今
古其次獨行烈女皆列史家至於寓賢方外亦
志地者所不廢蓋春秋之義善善欲長苟一行
之可稱亦得以次相附用是昭往邇來庶幾聞
風而興起焉志人物

仙釋

明

赤脚盧不知其名亦不知爲何許人常蓬頭赤脚
雖隆冬衣不蔽體面色裕如日常言者造化而
已人或叩之亦只云造化造化如是者二十餘
年一日向衆辭曰去來去來此後不知何往人
皆疑其得道云

性澗山西代州官家子也出家修行入五臺萬壽
寺投禪師行喻削髮爲僧成化間雲遊至本縣
寶雲寺寺僧洪寬見而敬之遂與之交居一寬
主清齋持戒三十餘年未嘗下榻一日令人修
塔建塔告衆曰吾將逝矣果坐化於禪床上

張三瘋不知何許人遊衡水寓趙氏家行步輕颺
臥不擇地時摺納釜中挾板二塊有異香人匿
之三瘋輒知其處明季亂軍至趙氏家人被虜
入營夜聞板音前導隨之得脫閱數十年有衡
士孫某赴真定路遇道人語之曰吾卽寓趙氏
家張三瘋也後不知所終

中國地方志佛道教文獻匯纂·人物卷
河北省 衡水市

景縣志

耿兆棟 董大年修 張汝濤纂
民國二十一年（一九三二）鉛印本

方外

清

性月爲本邑曹少保思誠曾孫乾隆間祝髮於北京之彌勒
院後復卓錫津門庚午秋省鄉里旋歸伊族弟綺莊爲文
人尊其行性月素善詩嘗與李露園先生及德州趙叔常
先生相唱酬今性月詩不傳惟李露園先生有送性月歸
津門詩見所著墨霞堂詩鈔

中國地方志佛道教文獻匯纂·人物卷
河北省 衡水市

棗強縣志

明·王鶴齡修 陶萬象纂

清·胡夢龍增修 單惺等增纂

明萬曆四十四年（一六一六）刻

清康熙十九年（一六八〇）增刻本

景縣志目錄

卷之四

名賢

仕籍

耆德

孝義

貞節

流寓

仙釋

仙釋

唐

丹臺真人邑人邊氏女名洞玄生即丰骨不凡有

道氣早棄家於紫雲觀修行清苦不間寒暑復因

異人授以仙術開元初白日上昇刺史原復以狀

聞玄宗賜詔褒美立碑於觀下贈丹臺真人至今

其地名邊村鄉人呼為邊仙姑

玄宗勅刺史原復
詔朕承唐運遠襲

玄元載弘道流遂有靈應彼之女道丹臺真人白

日上升五雲在御不圖好道遂有明徵深為喜慰

卿舊相之子家上玄能叶心志自茲目視果成

朕願雖上青云遠而舊相猶存遼海雖別於千年

維山復期於七日窺真響像故亦依然今因奏使
廻便付少物卿可於觀所宜修齋行道以達厥意
也卿能至誠必有通感然道之為
教本貴無為宜用乃心化彼黎庶

元

月溪居士名塔里幼時方解語即自言剃胎髮在

墻穴中指母取之依然猶在人皆驚異謂與古人

識環記井事不殊也長慕佛教遊四方為名釋童

承相薦之至元間官東平路總管以廉慎稱乞休

誓為佛門外護凡僧尼粘縛者營救甚衆講授一

吐萬言老而不倦一日說偈曰我成佛佛說世

佛非我做我無為語竟無疾而逝壽八十有三

士承旨安藏銘之推爲趙開間之儔

羅公廷唯云按仙釋涉於

異矣錄之以示備耳雖然天地間何所不有彼拘方者又安足與辨耶

中國地方志佛道教文獻匯纂·人物卷
河北省 衡水市

棗強縣志

清·單作哲纂修

清乾隆十七年（一七五二）刻本

東陽縣志卷之八

襍稽志

古蹟

拾遺

唐

李仁和工書法所書蜀王師蓋府君碑今在衡水縣東蓋村

丹臺真人邑人邊氏女名洞玄生有道氣早歲棄家於紫雲觀修行遇異人授以仙術開元初白日上昇冀州刺史原復以狀聞賜詔褒美立碑觀下贈丹臺真人至今

所居地曰邊村鄉人呼爲邊仙姑

按舊志八景之一曰紫雲仙蹟注云縣東南邊村寺
爲紫雲觀遺址而冀州志亦云州治東北邊仙姑觀
卽紫雲寺世遠年湮難可臆斷或曰邊村爲誕生之
地冀州乃修行之所紫雲寺宜以在冀州者爲是闕
疑俟考

劉言史趙人詩歌贈美嘗薄遊信都廣川間王武俊鎮冀
頗好辭藝一見言史加異敬將置之賓位言史辭免復
表授棗強令言史辭疾不就世遂稱爲劉棗強云

金

路伯達冀州人妻傅氏以伯達嘗修冀州學市信都聚強
田以贍生徒有司以聞上賢之賜號成德夫人

元

月溪居士名塔里幼時方解語即自言剃胎髮在牆穴中
指母取之視之果然長慕佛教遊四方爲名釋至元間
薦授東平路總管以廉慎稱乞休誓爲佛門外護凡僧
尼粘縛者營救甚衆講授一吐萬言老而不倦一日說
偈曰我不成佛佛說謊佛非我做我無爲語竟無疾而
逝